

四庫全書

史部

欽定四庫全書

欽定歷代職官表卷十六

戶工二部錢局表

戶工二部錢局表	郎侍法錢理督部二工戶
	司庫 司金部 尉
	梁陳
	北魏
	北齊
	後周
	隋
	唐
	宋
	遼
	金
	元
	明

欽定四庫全書

卷十六

寶泉源局監督 寶泉源局使

泉府上
士中士
司市上
大夫上
士中士

泉府上
士中士
司市上
大夫上
士中士

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

東治承
南治承
西治承

東治承
南治承
西治承

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

鑄錢令
鑄錢令
鑄錢令
鑄錢令
鑄錢令

戶工二部錢局

國朝官制

戶工二部督理京省錢法右侍郎滿洲漢人各一人

凡

京師鼓鑄統設二局隸戶部者曰寶泉局歲鑄錢六

十一卯

以萬二千四百八十緡為卯

隸工部者曰寶源局歲鑄

錢七十一卯

以六千二百四十九緡二百七十文為卯

遇閏則皆加鑄

四卯其局之政令各以其部之右侍郎掌之初止

漢人右侍郎一人康熙十八年令滿洲右侍郎一人公同督理十九年以給事中御史稽察錢局雍正二年停遣乾隆二十六年戶部錢法堂置掌稿

司官滿洲漢人各一人於各司屬中選委

工部未置

戶部寶泉局監督滿洲漢人各一人大使滿洲五人工部寶源局監督滿洲漢人各一人大使滿洲二人

掌鑄造緡錢收納銅課以裕

國儲以利民用其監督俱無專員由六部滿漢司官

遴選保舉引

見簡用二年而代大使由本部筆帖式選委咨吏部注冊五年而代稱職者以應升官用寶泉局監督順治元年定設滿洲漢人各一人寶源局監督初置三人康熙十七年改定二人寶泉局大使初設漢人一人雍正四年以寶泉局分設四廠增置漢人大使四人七年改漢大使俱為滿大使寶源局初止設筆帖式一人雍正七年改置大使二人

各省錢局監鑄官十有八人

凡天下鼓鑄緡錢者十有四省新疆則開鑪伊犁如各省之制皆隨其地之宜作之泉布以交易流通前民利用以布政使等總其成而受灋式於戶部各置監鑄官以判局事直隸寶直局一人以保定府同知充山西寶晉局一人陝西寶陝局一人江蘇寶蘇局二人俱以佐貳官選充浙江寶浙局二人以同知通判選充福建寶福局一人亦以佐

貳官選充江西寶昌局一人以南昌府同知充湖南寶南局一人以長沙府同知充湖北寶武局一人以武昌府同知充廣東寶廣局一人四川寶川局一人俱以同知通判選充廣西寶桂局一人布政使於所屬官內任便選充雲南寶雲局一人以雲南府知府充東川局一人以東川府知府充貴州寶黔局一人以貴陽府知府貴筑縣知縣或通判縣丞選充伊犁寶伊局一人以伊犁同知充

歷代建置

三代

周禮地官泉府

鄭司農云故書泉或作錢

上士四人中士八人

下士十有六人凡國事之財用取具焉歲終則會其出入而納其餘

惠士奇禮說太公為周立九府圜法顏師古以太府玉府內府外府泉府天府凡六府當之而又以職內職金職幣三官充其數焉非也爾雅以八方

之八財中原之五穀魚鹽為九府王應麟引以當
九府圜法失之遠矣所謂圜法者重不廢輕小不
妨大子母相權而有九品故曰九府圜法其名見
周官者夫布里布辟布紵布總布質布罰布廛布
僂布是為布貨九品其九品在國曰邦布外府掌
之在市曰征布泉府掌之載師有里布閭師有夫
布皆邦布也出諸民入諸國故曰邦布司市有辟
布廛人有紵布總布質布罰布廛布肆長有僂布

皆征布也歛諸市入諸官故曰征布

謹案後世錢法之官其源出於地官之泉府而司市職有云辟布者於其地之叙惠士奇謂叙猶監也作布之叙蓋鑄錢之監是司市亦掌冶鑄也

漢

漢書百官公卿表水衡都尉屬官有上林均輸鍾官辨銅令丞

如淳曰鍾官主鑄錢官也辨銅主分辨銅之種類也

初上林衡

官及鑄錢皆屬少府

王應麟曰漢北軍有錢官

史記平準書赤側錢賤民巧法用之不便於是悉禁郡國毋鑄錢專令上林三官鑄錢既多而令天下非三官錢不得行諸郡國所前鑄錢皆廢銷之輸其銅三官

桓寬鹽鐵論幣數易而民益疑於是廢天下鑄錢

而專命水衡三官作

水衡三官者均輸鍾官辨銅三令丞也後漢書隗囂檄王

莽曰民生挾銅炭沒入鍾官唐章懷太子注主鑄錢之官

漢書地理志丹陽郡有銅官王應麟玉海鐵官長丞五十有一而專其官以主丹陽之銅

唐六典錢官後漢屬司農

東觀漢記鑄錢官姦宄所集無能整齊理之者京兆尹閭興署第五倫督鑄錢掾領長安市

謹案漢代鑄錢之官初屬少府後屬水衡後漢以屬司農而第五倫為督鑄錢掾則又屬於京兆尹蓋京兆主長安東西市故兼領錢法以平

價直而除姦偽亦如周官泉府司市皆掌征布之出入也

三國

三國魏志韓暨為監冶謁者舊時冶作馬排每一熟石用馬百匹更作人排又費工力暨乃因長流為水排計其利益三倍於前就加司金都尉班亞九卿

謹案唐六典稱魏晉以下錢官或屬少府或屬

司農今考史志所載三國六朝少府司農官屬
未見有鑄錢之職惟陳壽所載韓暨為監冶謁
者一事冊府元龜即引之於錢幣門內則監冶
亦主鑄錢可知而自晉以後諸冶署令丞掌鼓
鑄金銀銅鐵之屬至北齊而冶署所屬遂有泉
部局丞是南北朝鑄錢之事當為冶令所兼司
今並著之於表云

三國蜀志張裔為司金中郎將

謹案蜀漢鑄直百錢吳赤烏中嘗鑄當千大錢
並見於史而錢官職掌則史未之詳蜀之司金
中郎將典作農戰諸器即後代冶令丞之比疑
鑄錢亦其所兼司也

晉

晉書職官志衛尉統諸冶等令南北東西督冶掾
宋齊梁陳

宋書百官志南冶令一人丞一人漢有鐵官晉置

令掌工徒鼓鑄隸衛尉江左以來省衛尉隸少府
宋世雖置衛尉治隸少府如故江南諸郡縣有者
或置治令或置丞多是吳所置

南齊書百官志少府領東治令一人丞一人南治
令一人丞一人

隋書百官志梁少府置東西治署令丞又有梅根
諸治令陳循其制

冊府元龜宋文帝元嘉七年立錢署鑄四銖錢孝

武建元年更立錢署鑄錢

謹案宋齊梁陳四代鑄錢之官當亦掌之東西
南諸治令而錢署則如今之錢局也

北魏

魏書食貨志高祖始詔天下用錢十九年治鑄麤
備文曰太和五銖在所遣錢工備爐冶民有欲鑄
聽就鑄之永安二年詔更改鑄文曰永安五銖官
自立鑪

北史列傳時朝議鑄錢以高謙之為鑄錢都將長史乃上表求鑄三銖錢

謹案馬端臨錢幣考引此事作鑄錢都督而北史及魏書俱作都將疑馬氏有誤蓋都將如今之戶工二部管理錢法侍郎而長史則其屬如今之監督也魏書官氏志不載此官殊為闕畧

北齊

隋書百官志後齊太府寺統諸治東西道署令丞

諸治東道又別領澄口武安白間三局丞諸治西
道又別領晉陽治泉部大邳原仇四局丞

後周

杜佑通典後周官品正二命地官泉府中士正一
命地官泉府下士

隋

隋書百官志太府寺統掌治署置令二人丞四人

唐

唐會要開元二十五年二月羅文信為諸道鑄錢使天寶三載九月楊慎矜除御史中丞充鑄錢使六載楊釗上元元年五月劉晏寶應元年劉晏又充廣德二年第五琦李峴永泰元年正月十三日劉晏第五琦分領諸道大歷五年三月二十六日停

新唐書百官志諸鑄錢監監各一人以所在州府都督刺史判之副監一人上佐判之丞一人判司

判之

新唐書地理志商州有洛源監錢官郴州有桂陽
監錢官河東蔚州飛狐有三河銅冶有錢官河中
府解縣有紫泉監乾元元年置有銅穴十二揚州
有丹陽監廣陵監錢官宣州南陵有梅根宛陵二
監錢官鄂州有鳳山監錢官饒州有永平監錢官
有銅坑三信州有玉山監錢官有銅坑一鉉坑一
絳州有銅源翔臯錢坊二梓州銅山縣貞觀二十

三年置鑄錢官調露元年罷

新唐書食貨志武德四年洛并幽益桂等州皆置

監開元二十六年宣潤等州初置監天下鑪九十

九絳州三十揚潤宣鄂蔚皆十益郴皆五洋州三

定州一

案諸州鑪數僅九十有四以唐六典考之尚有鄧州五鑪適足九十九之數蓋新唐

書脫誤也

每鑪歲鑄錢三千三百緡設丁匠三十費銅

二萬一千二百斤蠟三千七百斤錫五百斤每千

錢費七百五十天下歲鑄三十二萬七千緡

唐六典皇朝少府置十鑪諸州皆屬焉及少府罷鑄錢諸州遂別

謹案歷代錢法規制各異立鑪鼓鑄亦不一其地有但就京師而不及郡國者漢之上林三官是也有但就諸州而不及京師者唐之少府罷鑄是也故當時鑄錢一使其職專領諸道與今戶工二侍郎督理京省錢法者差別然源流有自職掌無殊今並著之於表又考唐書韓洄傳

建中元年洄上言山澤之利當歸王者非諸侯
方岳所宜有請以諸道錢冶總隸鹽鐵使而冊
府元龜所載德宗以後鑄錢事宜多出鹽鐵使
陳奏是唐時錢法又屬於鹽鐵使謹并識於此

五季

冊府元龜晉高祖天福三年鑄錢以天福元寶為
文委鹽鐵使鑄樣頒下諸道漢隱帝乾祐初膳部
郎中羅周允請在京置鑄錢監不報周世宗顯德

二年九月勅國家之利泉貨為先近朝以來久絕鑄造至於私下不禁銷鎔歲月漸深奸弊尤甚今採銅興冶立監鑄錢冀便公私宜行條制

謹案五季無鑄錢監至周世宗時始置而晉高祖鑄天福錢令鹽鐵頒樣則錢法亦當掌之鹽鐵矣

宋

玉海咸平三年五月馮亮以江西運副兼都大提

點鑄錢景祐二年八月置提點坑冶鑄錢官寶元
元年八月復置發運使提點鑄錢事元豐二年七
月三省言鑄錢司舊領五監近歲江池饒增歲鑄
額及興國睦衡舒蘄惠朔置六監宜增提點一員
乃命錢昌武領淮浙建江東李棻領湖廣江西元
祐元年二月合為一司從李深請也崇寧五年詔
蘇莊提舉九路銅事大觀四年併入鑄錢司紹興
二十七年七月戶部侍郎林覺奏復饒永平監贛

鑄錢院韶永通監八月戶部侍郎榮巖兼提領鑄錢二十八年命戶部侍郎趙令詎提領二十九年七月復置鑄錢司乾道六年四月併於發運司七年復置八年十二月置提點官二員分治饒贛淳熙二年併於饒州

李心傳建炎以來朝野雜記提點坑冶鑄錢公事自咸平初有之渡江後屢罷屢復淳熙五年又加都大二字於提字之上

宋史食貨志京師舊有四監後廢之諸路錢歲輸
京師大觀二年復京畿兩監以宋喬年領之用提
舉京畿鑄錢司為名

馬端臨文獻通考鑄錢監屬少府監官各一人

玉海會要云元豐諸路鑄錢銅錢一十七監西京

阜財監衛州黎陽監永興軍監陝州華州監絳州

垣曲監舒州同安監睦州神泉監興國軍富民監

衡州熙寧監鄂州寶泉監江州廣寧監池州永豐

監饒州永平監建州豐國監韶州永通監惠州阜
民監鐵錢九監號州朱陽兩監商州阜民洛南兩
監威遠鎮涵山鎮兩監興州濟衆監嘉州豐遠監
邛州惠民監凡銅錢一十三路銅鐵錢兩路鐵錢
四路元豐四年二月詔秦州置監六年三月詔徐
州置寶豐監五年梧州置監萬州置鐵錢監八月
同州置鐵錢監渭州復置博濟監八年詔罷增置
監十有四中興鑄錢有饒州永平監池州永豐監

江州廣寧監建寧府豐國監韶州永通監贛州鑄
錢監嚴州神泉監紹興二年八月令永豐監卒寓
役於饒廣寧監卒寓役於虔移少就多也

謹案宋制亦於諸州鑄錢在京錢監中葉始置
其監官隸於少府蓋猶循唐舊制其實在諸州
者皆歸之提點提領在京則提舉鑄錢司掌之
少府並不司其出納也

遼

遼史食貨志太宗置五冶太師以總四方錢鐵

金

金史食貨志正隆三年二月中都置錢監二東曰
寶源西曰寶豐京兆置監一曰利用大定十八年
代州立監鑄錢命工部郎中張大節吏部員外郎
麻珪監鑄二十年十一月名代州監曰阜通設監
一員正五品副監一員正六品丞一員正七品勾
當官二員從八品二十二年十月以叅知政事鈕

祐祿額特埒

鈕祐祿原作粘割今從八旗姓譜改正額特埒蒙古語享受也原作幹特

刺今改正提控代州鑄錢監

謹案金中都有錢監而百官志未見其職殆亦以他官兼領故史不載也至以叅知政事提控錢監此則一時特重其事而設非經常之制矣

元

元史百官志諸路寶泉都提舉司至正十年十月置其屬有鼓鑄局正七品永利庫從七品掌鼓鑄

錢文印造交鈔○各處寶泉提舉司十一年十月
置寶泉提舉司于河南行省及濟南冀寧等處凡
九所江浙西湖廣行省各一所十二年二月置
銅冶場于饒州路德興縣信州路鉛山州韶州岑
水凡三處每所置提領一員正八品大使一員從
八品副使一員正九品流內官銓注直隸寶泉提
舉司掌浸銅事

謹案交鈔之法肇于唐代之飛錢宋張詠始行

之益州天聖間置交子務建炎南渡又立會子
務于臨安先後措置有行在交子川引淮引湖
會諸目金立鈔引法與錢並行元則專以寶鈔
交鈔通行諸路至大中嘗詔用錢未行而罷至
正末始置司鑄錢以濟軍興亦仍以交鈔為主
明初尚沿其法各設官以掌之宋則有交子務
官會子監官金則有交鈔庫印造鈔引庫抄紙
坊使副判官等官元則有諸路寶鈔提舉司達

嚕噶齊都提舉副達嚕噶齊提舉同提舉副提
舉寶鈔總庫達嚕噶齊大使副使印造寶鈔庫
達嚕噶齊大使副使燒鈔東西二庫達嚕噶齊
大使副使等官明亦有寶鈔提舉司提舉副提
舉典史抄紙局大使副使印鈔局大使副使寶
鈔廣惠庫大使副使等官皆隸屬於戶部今楮
幣之制久罷不行其職事亦隨之俱廢故不列
於表謹附識大凡以備攷核云爾

明

明史食貨志太祖初置寶源局於應天鑄大中通寶錢及平陳友諒命江西行省置貨泉局即位頒洪武通寶錢各行省皆設寶泉局與寶源局並鑄七年設寶鈔提舉司遂罷寶源寶泉局越二年復設寶泉局十三年中書省廢乃以寶鈔屬戶部鑄錢屬工部二十五年又罷寶泉局弘治元年戶部請鼓鑄乃復開局鑄錢嘉靖六年大鑄嘉靖錢且

補鑄累朝未鑄者時盜鑄日滋不能止帝患之問
大學士徐階階陳五害請停寶源局鑄錢應支給
錢者悉予銀帝乃停鼓鑄自後稅課徵銀而不徵
錢隆慶初錢法不行兵部侍郎譚綸請令民得以
錢輸官錢法復稍稍通萬厯四年雲南巡撫郭庭
梧言國初京師有寶源局各省有寶泉局自嘉靖
間省局停廢民用告匱非利也遂開局鑄錢尋命
十三布政司皆開局

孫承澤春明夢餘錄寶源局在城之東石大人衙
衙蓋石亨舊宅嘉靖間改為鼓鑄公署虞衡司員
外郎監督其事所屬有寶源局大使國初鼓鑄之
事惟屬工部至天啟二年始增寶泉局其政屬於
戶部而工部之所鑄者微矣寶泉局在皇城東北
以右侍郎督理之名錢法堂加鑪製造以濟軍興
明史職官志天啟五年戶部增設督理錢法侍郎
工部寶源局大使一人

正九品

副使一人

從九品嘉靖年間革

謹案明代園法其初專之工部後始添設戶部
寶泉局故惟寶源局有監督員外郎及大使等
官而戶部無之至錢法侍郎為天啟間初設乃
別置額缺不釐部務亦與今之兼管者不同也



欽定歷代職官表卷十六

欽定四庫全書

史部

欽定歷代職官表卷十七

十八

主事_臣尹壯圖覆勘

纂修_{兼校勘}內閣中書_臣沈叔埏

謄錄_{監生}韋協中

欽定四庫全書

欽定歷代職官表卷十七

理藩院表

理藩院

秦漢後漢三國晉宋齊北魏北齊後周隋唐季宋遼金元明

典客

典客

典客

典客

典客

典客

典客

典客

典客

典客

典客

典客

典客

典客

典客

典客

典客

典客

典客

典客

典客

典客

典客

後

此說詳

五見於

不同故

今補脫

省各通

鴻臚王

漢以後

典屬國

典客

典客

欽定歷代職官表

旗籍等六司郎中	左右侍郎
同 小付父 下大夫	同 天行人 中大夫
大行令 主內牧 單子書 部尚書 郎 主光夫 吏民尚 書郎	
大行令	
典屬國 下大夫 典書署 令	鴻臚寺 卿 鴻臚寺 少卿 鴻臚寺 中書郎中 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿
典書署 下大夫 典書署 令	鴻臚寺 少卿 鴻臚寺 少卿 鴻臚寺 少卿

旗籍等六司員外郎 旗籍等六司員外郎

旗籍等六司員外郎

旗籍等六司員外郎

旗籍等六司員外郎

旗籍等六司員外郎

旗籍等六司員外郎

旗籍等六司員外郎

旗籍等六司員外郎

堂主事 司務 筆帖式

鴻臚寺
主簿

鴻臚寺
主簿

宣政院
都事
宣政院
經歷
宣政院
都事
宣政院
經歷

宣政院
懷柔軍
北齊
宣政院
同回據
史

宣政院
經歷
宣政院
管勾
宣政院
經歷
宣政院
經歷

銀庫郎中員外郎 蒙古緒譯房唐古忒學

同
蒙
古
緒
譯
房
唐
古
忒
學

譯官今
九譯金
譯官坐

鴻臚寺
譯史

宣政院
克塔穆
兩司

提舉香
善庫達
管庫金
管庫銀
提舉同
提舉副
提舉

烏蘭達爾等處司官察哈爾理事官	稽察內館外館監督
周尹	周環
便酌奴 中郎將 安集 便酌奴 中郎將 從事 護局 長史 司馬	

莫王府諸部宣政院
錫林哈爾官
拉官

張家口等處驛站外郎

周

山真中

士下士

澤庵

士下士

迹人中

附見士下士

說

後

團場都

太師

園場都

嘗

圖場使

園場劇

使

劉永福

站外

新 竟 林 木

斯

理藩院

國朝官制

理藩院尚書一人左右侍郎各一人

均以滿洲蒙古補授

額外侍

郎一人

特簡蒙古貝勒貝子之賢能者任之

掌內外藩蒙古回部及諸番部封授朝覲疆索貢
獻黜陟徵發之政令控馭撫綏以固邦翰所屬有
旗籍王會典屬柔遠徠遠理刑六司

國初設蒙古衙門有承政參政等官崇德三年六月

定蒙古衙門為理藩院七月定置承政一員左右
參政各一員順治元年改承政為尚書左右參政
為侍郎十五年以禮部尚書銜掌理藩院事以禮
部侍郎銜協理理藩院事十八年仍為理藩院尚
書侍郎又初置有滿洲啓心郎一人漢軍啓心郎
一人順治十五年省雍正元年以來以王公大學
士兼理院事皆由

特簡無常員

旗籍清吏司郎中滿洲二人蒙古一人員外郎滿洲三人蒙古二人主事滿洲一人

掌漠南諸藩科爾沁札賴特杜爾伯特郭爾羅斯
敖漢奈曼翁牛特巴林札魯特喀爾喀左翼阿魯
科爾沁克什克騰土默特喀喇沁烏朱穆沁阿巴
亥浩齊特蘇尼特阿巴哈納爾四子部落喀爾喀
右翼烏喇特茂明安鄂爾多斯歸化城土默特二
十五部落五十一旗之禮籍疇其封爵正其等次

辨其世系三歲會盟則

遣大臣奉

勅往莅之以同好惡而頒禁令焉凡歸化城土默特索倫除授官校則條其令格敘而正之若諸蒙古歲有不登則辨其輕重而賙卹之初順治十八年理藩院設四清吏司曰錄勲賓客柔遠理刑置滿洲蒙古郎中十有一人員外郎二十七人滿洲主事四人漢人主事四人其後增損不一康熙三十八

年省漢人主事員額後又析柔遠司為二曰前司
後司乾隆二十二年改錄勲司為典屬賓客司為
王會柔遠後司為旗籍柔遠前司仍為柔遠二十
六年併旗籍柔遠為一司增設徠遠司二十七年
旗籍柔遠仍分為二司二十九年復改典屬司為
旗籍司其舊旗籍司即改為典屬司以各符職掌
焉

王會清吏司郎中滿洲一人蒙古二人員外郎滿洲二

人蒙古三人主事蒙古二人

掌科爾沁等諸部落每歲

朝覲之儀貢獻之式燕饗

賜予舍館饗餼皆視其等次以禮之

典屬清吏司郎中滿洲蒙古各一人員外郎滿洲五人
蒙古四人主事滿洲蒙古各一人

掌蒙古北部喀爾喀後路土謝圖汗喀爾喀東路
轍臣汗喀爾喀西路札薩克圖汗喀爾喀賽因諾

顏札薩克親王等列爵之位盟會之制其青海四
部落賀蘭山厄魯特烏蘭烏蘇厄魯特推河厄魯
特額濟勒土爾扈特都爾伯特土爾扈特等部昨
封錫命亦如之諸喇嘛番僧之受號者則辨其名
數授以印劄有差凡烏魯木齊伊犁防守屯田之
政庫倫恰克圖互市之事咸綜其法式以頒布焉
采遠清吏司郎中滿洲一人員外郎滿洲三人蒙古三
人主事蒙古一人

掌喀爾喀等部落及喇嘛番僧朝貢祿錫之事

徠遠清吏司郎中滿洲一人員外郎滿洲三人蒙古二人主事滿洲蒙古各一人

掌嘉峪關以西回部回城及四川諸土司之政令
凡諸回舊部若哈密闡展吐魯番則爵其長而領
以札薩克如蒙古之制新疆若哈拉沙拉庫車沙
雅爾賽里木拜阿克蘇烏什喀什噶爾葉爾羌和
闐諸城則因俗設官皆辨其等秩而祿命之田賦

征權則準式定制而頒布焉四川諸土司奉歲事
以入

覲於廷釐其班位而詔之儀節凡哈薩克左右部布
魯特東西部安集延瑪爾噶郎霍罕那木干四城
塔什罕拔達克山博羅爾愛烏罕啓齊玉蘓烏爾
根齊諸部汗長以時重譯朝貢者各以其國之籍
禮之

理刑清吏司郎中滿洲蒙古各一人員外郎滿洲二人

蒙古三人主事滿洲一人

掌蒙古及番回刑罰之事

堂主事滿洲二人蒙古三人漢軍一人校正漢文官二人

掌校繕章疏順治元年置額其校正漢文官二人
於內閣翰林院侍讀學士侍讀等官內奏委三歲
而代

司務廳司務滿洲蒙古各一人

掌收發文移順治元年置司務二人為滿洲蒙古
員額院判一人知事一人副使一人為滿人員額
康熙三十八年俱省雍正十年復設滿洲司務一
人蒙古司務一人

題署主事滿洲三人蒙古五人

乾隆三十六年置由筆帖式內掄選題補

筆帖式滿洲三十六人蒙古五十五人漢軍六人

初順治元年置滿洲筆帖式十有一人蒙古筆帖

式四十一人漢軍筆帖式二人康熙二十八年增
設漢文筆帖式每旗各一人漢軍筆帖式每翼各
增二人雍正十一年復增滿洲筆帖式十七人蒙
古筆帖式十四人分隸各司視事之繁簡以為額

職事具

吏部篇

銀庫郎中員外郎各一人

於本院司
官內奏委

司庫滿洲一人筆

帖式滿洲二人庫使滿洲二人

掌帑金出納初制蒙古王台吉等入

朝由戶工二部及光祿寺庀器用具廩餼康熙四十
六年始勅立銀庫設官如今額計賓館所需按直
給貲以惠遠人惟庫使初置四人雍正元年省二
人

蒙古繙譯房員外郎主事各一人

掌繙譯章奏文書於本院司屬內掄選簡委

唐古忒學司業助教各一人筆帖式蒙古四人

掌教習唐古忒字以譯西藏章疏文移順治十四

年初立唐古忒學給教習人六品俸後改為司業
其助教本以他官兼乾隆五年始定為額設之官
稽察內館外館監督二人

掌致館于賓繕完滌除以待行李由科道及各部
司官內掄選奏委

烏蘭哈達三座塔駐劄司官各一人八溝駐劄司官一
人分駐塔子溝筆帖式一人

分掌諸蒙古部落與民人交涉之事以聽其訟而

平之歲則徧巡所屬以周知其風俗兼掌權百物之稅以待蒙古贍恤歲周而代

察哈爾游牧處理事員外郎蒙古十有六人

掌治游牧察哈爾獄訟之事以在京蒙古各旗與察哈爾各旗官員內掄選由院引

見除授自護軍校驍騎校選用者即授員外郎自中書筆帖式選用者先授主事三年稱職乃授員外郎又雍正七年置巡察游牧御史或部院司官一人

每歲更替今改定五年掄遣一次

張家口喜峯口獨石口殺虎口古北口管理驛站員外郎各一人

掌蒙古各處郵驛之政令以宣傳命令通達文移凡百里為一傳自喜峯口至札賴特置郵十有六自古北口至烏朱穆沁置郵九自獨石口至浩齊特置郵六自張家口至四子部落置郵五自殺虎口至烏喇特置郵九又自歸化城至鄂爾多斯置

郵八

仍為殺虎口路

均於水泉形勢之地安設五路各設

員外郎一人由本部司官內奏委司其事筆帖式

一人佐之三歲而代

圍場總管一人

初制四品乾隆十八年升為三品

左右翼長各一人

秩四

品

章京八人

初制六品乾隆十八年升為五品

驍騎校八人

秩六品

木蘭圍場在蒙古各部落中周一千四百餘里國

語謂哨鹿為木蘭故以得名康熙間

聖祖仁皇帝因喀喇沁教漢翁牛特等諸部所獻牧地置

歲行秋獮之禮四十五年設圍場總管一員六品
官八員率官兵駐守以司譏察巡防之禁令

皇上式遵前制每以八月行圍肄武凡內札薩克蒙古
王公台吉及喀爾喀青海厄魯特並輪年入

覲之都爾伯特土爾扈特回部伯克等咸會朝

行在所橐鞬執役歲以為常乾隆十四年始以圍場總
管屬理藩院統轄十八年升總管等品秩增設翼
長二人驍騎校每旗各一人

謹案我

朝威德廣被其內扎薩克諸蒙古久受疆索比於
內臣而

聖武所昭無思不服北踰瀚海西越流沙亦莫不稽
布星羅咸歸版籍設官置吏多因其俗以治之
臂指相維不殊郡縣如蒙古諸旗之扎薩克官
及新疆回城之伯克等官皆領屬於理藩院今
以其由各部落選置與內地注授者不同故

別繫諸藩屬諸官表內謹識於此

歷代建置

謹案周禮大行人以賓禮親諸侯凡會同朝覲之事牢禮爵位之數皆其所掌典式綦備後世封建既廢惟蕃國猶各以其籍貢獻而秦漢以來德不及遠大抵羈縻姑息叛服不常甚至屈體和親禮鈞鄰敵其約束期會非中朝所得而主故從未有設官以治之者我

國家義正仁育中外一家蒙古諸部落或誼聯戚
畹或著有勲勞帶礪之封爰及苗裔土田戶版
盡隸職方至於月朏砥平畫疆置吏羌髳順化
迺戍開屯亦皆述職來朝歲奉王事特設理藩
院以司其政令為

本朝創建之職謹以古制約略準擬惟周官大行
人所掌全相脗合而懷方合方訓方彤方諸氏
亦可以類相比次則漢之典屬國差為近之其

秦漢而後之大鴻臚典領藩國諸侯王頗有與
今理藩院職守相似者雖規模之廣狹有殊而
所掌尚屬賓客禮儀之事故並互見於此表
今鴻臚寺所掌者惟賓贊及朝儀其賓客之事則分
屬理藩院及禮部會同四譯館說詳鴻臚寺篇
至宋明諸代懷柔無策建置未遑者則亦並從
闕畧以著其實仰見

聖朝長撫遠馭文軌大同凡世昨藩封者無不朝春
秋而備宿衛實與三代諸侯無異故理藩院之

輯寧衆部即大行人之信睦羣邦震疊威靈邁
於周典近代義乖懷畏不獨閉關自守者無足
語於服遠之宏模即或睎古建官亦不過略存
規制從未有遐荒絕漠悉統治於王官道一風
同咸為臣僕如

今日之盛者也

三代

尚書舜典賓于四門四門穆穆孔穎達疏以諸侯

爲賓舜主其禮迎而待之史記裴駰集解馬融曰
四門四方之門諸侯朝者舜賓迎之

謹案尚書賓于四門孔安國作賓客之賓鄭康
成則讀爲儻字音義各異而以為迎待諸侯則
其說並同周大行人所謂大賓之禮大客之儀
其規制實本於此今故引冠理藩院沿革之始
以著原起云

周禮秋官大行人中大夫二人小行人下大夫四

人環人中士四人大行人掌大賓之禮及大客之儀以親諸侯春朝諸侯而圖天下之事秋覲以比邦國之功夏宗以陳天下之謨冬遇以協諸侯之慮時會以發四方之禁殷同以施天下之政時聘以結諸侯之好殷頒以除邦國之慝閒問以諭諸侯之志歸賑以交諸侯之福賀慶以贊諸侯之喜致禮以補諸侯之裁以九儀辨諸侯之命等諸臣之爵以同邦國之禮而待其賓客上公之禮執桓

圭九寸繅藉九寸冕服九章建常九旒樊纓九就
貳車九乘介九人禮九牢其朝位賓主之間九十
步立當車軹擯者五人廟中將幣三享王禮再裸
而酢饗禮九獻食禮九舉出入五積三問三勞諸
侯之禮執信圭七寸繅藉七寸冕服七章建常
七旒樊纓七就貳車七乘介七人禮七牢朝位賓主
之間七十步立當前疾擯者四人廟中將幣三享
王禮一裸而酢饗禮七獻食禮七舉出入四積再

問再勞諸伯執躬圭其他皆如諸侯之禮諸子執
穀璧五寸繅藉五寸冕服五章建常五旒樊纓五
就貳車五乘介五人禮五牢朝位賓主之間五十
步立當車衡擯者三人廟中將幣三享王禮一裸
不酢饗禮五獻食禮五舉出入三積一問一勞諸
男執蒲璧其他皆如諸子之儀凡大國之孤執皮
帛以繼小國之君出入三積不問一勞朝位當車
前不交擯廟中無相以酒禮之其他皆視小國之

君凡諸侯之卿其禮各下其君二等以下及其大夫士皆如之邦畿方千里其外方五百里謂之侯服歲一見其貢祀物又其外方五百里謂之甸服二歲一見其貢嬪物又其外方五百里謂之男服三歲一見其貢器物又其外方五百里謂之采服四歲一見其貢服物又其外方五百里謂之衛服五歲一見其貢材物又其外方五百里謂之要服六歲一見其貢貨物九州之外謂之蕃國世一見

各以其所貴寶為摯王之所以撫邦國諸侯者歲
徧存三歲徧頒五歲徧省七歲徧象胥諭言語協
辭命九歲屬聲史諭書名聽聲音十有一歲建瑞
節同度量成牢禮同數器修法則十有二歲王巡
守殷國凡諸侯之王事辨其位正其等協其禮賓
而見之小行人掌邦國賓客之禮籍以待四方之
使者令諸侯春入貢秋獻功王親受之各以其國
之籍禮之凡諸侯入王則逆勞于畿及郊勞視館

將幣為承而擯凡四方之使者大客則擯小客則受其幣而聽其辭使適四方協九儀賓客之禮朝覲宗遇會同君之禮也存獮省聘問臣之禮也成六瑞王用珽圭公用桓圭侯用信圭伯用躬圭子用穀璧男用蒲璧合六幣圭以馬璋以皮璧以帛琮以錦琥以繡璜以黼此六物者以和諸侯之好故若國札喪則令賻補之若國凶荒則令賙委之若國師役則令槁襪之若國有福事則令慶賀之

若國有禍裁則令哀弔之凡此五物者治其事故
及其萬民之利害為一書其禮俗政事教治刑禁
之逆順為一書其悖逆暴亂作慝猶犯令者為一
書其札喪凶荒危貧為一書其康樂和親安平為
一書凡此五物者每國辨異之以反命於王以周
知天下之故環人舍則授館有任器則令環之
管子五行篇天子出令命行人內御註行人行使
之官也

韓非子外儲說衛君入朝於周周行人問其號對
曰諸侯辟疆周行人却之曰諸侯不得與天子同
號

謹案周制賓客有大小之分鄭康成周禮注大
賓要服以內諸侯大客謂其孤卿賈公彥疏云
言要服以內諸侯者對要服以外為小賓蕃國
世一見是也大客謂大賓下孤卿對行人所云
小客大夫士皆得為客此但舉尊者而言據此

是六服諸侯皆大賓而九州外之蕃國則小賓也自封建變為郡縣而歷代朝貢者獨有蕃國故賓禮所治與周制多不相準惟今札薩克諸蒙古咸以勲存

王室世守藩封子弟入侍於

闕廷丁口悉登於戶版其慶讓黜陟之典實無殊於六服諸侯故理藩院一官所司典制儀式皆即周大小行人之職如諸藩封爵凡親王郡王貝

勅貝子公分為五等台吉分為三等皆由院奏
請繼襲此即如以九儀辨諸侯之命而等其爵
也凡朝期或分三班或分四班皆周而復始歲
十二月咸集以奉元會其不分班者則閱年奏
請得

旨來覲此即如六服諸侯各以其方歲見四載而徧
也其來朝就館賞賚俸幣之制牧芻廩給之數
皆視等級以為差此即如牢禮饗食之有多寡

也會盟之期漠南諸部則三年遣大臣奉

勅以往喀爾喀等部則各副將軍歲於所部舉行間
歲則以軍營參贊大臣二人分蒞之此即如歲
徧存三歲徧瀕五歲徧省也各部落偶遇歲荒
札薩克設法養贍不足告盟長協濟再不足會
報到院奏請發帑以濟其乏此即如賙委槁糴
以治其事故也蓋惟懷柔化洽所為習禮攷義
正刑一德者無不同符周典備極精詳是以麟

集仰流比於戶闥同風邳治媿三代而獨隆矣

周禮夏官懷方氏中士八人掌來遠方之民致方

貢致遠物而送逆之達之以節治其委積館舍飲

食

鄭康成注懷來也主來四方之民及其物

合方氏中士八人掌達天

下之道路通其財利同其數器一其度量除其怨

惡同其好善

鄭康成注主合同四方之事

訓方氏中士四人掌

道四方之政事與其上下之志誦四方之傳道正

歲則布而訓四方以觀新物

鄭康成注訓道也主教道四方之民志淫

行辟則當以形方氏中士四人掌制邦國之地域
政教化正之

而正其封疆無有華離之地
鄭康成注主制四方邦國之形體華讀為

低哨之低正之
使不低邪離絕

謹案懷方氏以下四官皆主和輯四方諸侯亦

今理藩院所有事以規制考之合方氏形方氏

通財利同好善正封疆當如今旗籍典屬徠遠

諸司之職懷方氏治委積館舍而送逆之當如

今王會柔遠諸司之職訓方氏以教化正淫辟

則如今理刑司之職也

周禮秋官司盟下士二人掌盟載之法

謹案春秋左氏僖五年傳勲在王室藏於盟府
杜預注司盟之官孔穎達疏曰諸侯初封必有
盟誓之言漢封爵之誓即盟之類僖二十六年
傳載在盟府太師職之杜預注太公為太師兼
主司盟之官襄十一年傳藏在盟府杜預注司
盟之府有賞功之制孔穎達疏曰司盟之府掌

藏功勲典策故有賞功之制是周之司盟專主
諸侯功績至以太師兼掌之其職甚重今蒙古
諸部落世次譜系及

錫封根源備載於冊藏諸

內府十年一修近又奉

詔纂輯蒙古王公表傳錄功旌伐傳示無窮蓋即功
勲典策藏於盟府之制是今之理藩院亦兼有
周司盟之職也

逸周書王會解成周之會相者太史魚大行人皆朝服有繁露郭叔掌為天子菜幣焉孔晁注魚太史名及大行人皆贊相賓客禮儀菜錄諸侯之幣也

尚書立政夷微盧烝三亳版尹孔安國傳蠻夷微盧之衆師及亳人之歸文王者三所為之立監及阪地之尹長皆用賢

謹案蔡沈書傳謂此即王官之監於諸侯四夷

者以尹與監為一官而孔安國則以為微盧毫有監而阪地有尹區之為二疑地當險要及人戶繁庶者則立監以治之其職較尊當如今之新疆各路駐劄大臣其地近而事簡者所任畧輕則為之設尹如今蒙古地方駐劄司官及察哈爾游牧理事官之類也

周禮秋官象胥每瞿上士二人中士二人下士八人掌蠻夷閩貉戎狄之國使掌傳王之言而諭說

焉以和親之若以時入賓則協其禮與其辭言傳之

謹案大行人職稱七歲屬象胥諭言語協辭命九歲屬瞽史諭書名聽聲音鄭康成注通言語之官為象胥瞽樂師也史大史小史也書名書文字也古曰名七歲省而名其象胥九歲省而名其瞽史皆聚於天子之宮教習之也易祓周禮總義謂諭言語則通五方之言語乃象胥之

職諭書名則達六書之文乃瞽史之職據此則
凡語言文字之不相通者皆當以象胥大史小
史教習之而後使命往來咸得以達其辭而諭
其志今之蒙古繙譯房唐古忒學蓋即其制特
三代以語音與字書分兩職今則本方語以繙
譯成文審音辨字相為條貫並不必分曹肄習
故仍以象胥互著於此

又別見會同
四譯館篇

而大史小

史則別繫諸翰林院及欽天監篇內焉

說各詳
本篇

周禮地官山虞每大山中士四人下士八人中山

下士六人小山下士二人若大田獵則萊山田之

野及弊田植虞旗於中致禽而珥焉

賈公彥疏大田獵謂王親

行田在山則山虞於可陳之處芟除草木

澤虞每大澤大藪中士四人

下士八人中如中川之衡

下士六人

小如小川之衡

下士

二若大田獵則萊澤野及弊田植虞旗以屬禽迹

人中士四人下士八人掌邦田之地政為之厲禁

而守之凡田獵者受令焉

鄭康成注田之地若令苑也賈公彥疏迹人主

迹知禽獸之處有禽獸之處則為苑囿
以林木為藩籬使其地之民逃屬守之

謹案三代天子蒐狩之地必有廣阜大數以陳
六軍詩所謂東有甫草駕言行狩是也今木蘭
之地泉甘壤沃

靈囿天開爰舍治兵適符古制圍場總管主成梁
除道其職近於山澤之虞而禁令所頒與迹人
之掌邦田地政者尤為相合以其為理藩院統
轄故沿革併附著於此表云

秦

冊府元龜秦置典客掌諸侯及歸義蠻夷又有典屬國掌蠻夷降者

謹案冊府元龜謂秦置典客掌諸侯及歸義蠻夷考戰國策秦王見燕使者咸陽宮乃朝服設九賓註禮大小行人以九儀掌賓客之禮吳師道授正曰大事記相如奉璧入秦秦王齋五日後乃設九賓禮於庭註引正義韋昭云九賓則

周禮九儀也劉伯莊云九賓者周王之備禮天子臨軒九服同會秦趙安得九賓但亦陳設車輅文物爾不得以周禮九賓儀為釋愚按前漢書大行設九賓恐即秦儀也據師道此說則秦人典客亦猶掌大行人之遺法叔孫通傳所謂大行設九賓臚句傳乃秦法之沿于漢初者也

漢

荀悅漢紀高后紀呂祿遂解印屬典客而以兵授

勃七年典客馮叔為御史大夫惠帝紀典客掌諸侯歸義蠻夷景帝更名大行武帝更名大鴻臚武帝紀單于背約寇邊無已於是上議伐之大行王恢曰匈奴和親率不過數歲請擊之

漢書百官公卿表典客掌諸歸義蠻夷景帝中六年更名大行令武帝太初元年更名大鴻臚屬官有行人譯官令丞武帝太初元年更名行人為大行令

謹案漢書百官公卿表典客掌諸歸義蠻夷景
帝中六年更名大行令武帝大初元年更名大
鴻臚是武帝時始有大鴻臚考荀悅漢紀景帝
紀中元年春令諸侯王薨及列侯初封及之國
大鴻臚奏謚誄策列侯薨及諸侯王太傅初除
之官大行奏謚誄策王薨遣光祿大夫弔襚祠
賜視喪事因立嗣列侯薨遣太中大夫弔祠視
喪事立祠據此則景帝中元年已有大鴻臚不

自武帝始且秦謚誅策或用大鴻臚或用大行
令似大鴻臚與大行令各為一官大行令非大
鴻臚之更名矣均與漢表不同

漢書應劭注皇帝延諸侯王賓王諸侯皆屬大鴻
臚

太平御覽韋昭辨釋名曰腹前肥者臚言以京師
為腹心王侯外國為四體以養之也辨云鴻臚本
故典客掌賓禮鴻大也臚陳序也欲以陳序賓客

也

程大昌雍錄藁街在朱雀街西與鴻臚寺近

漢書臣瓚注大行是官名掌九儀之制以賓諸侯
荀悅漢紀武帝紀後元二年濟北王寬坐悖人倫
祝詛有司請誅上遣大鴻臚利召王哀帝紀建平
元年太后素怒中山遣御史按驗考訊卒無所得
更使中謁者令史陳立與丞相長史大鴻臚丞親
治其事

揚雄大鴻臚箴蕩蕩唐虞經通垓極陶陶百王天
工人力畫為上下羅條百職人有才能寮有級差
遷能於官各有攸宜主以不廢官以不墮昔在三
代二季不蠲穢德慢道署非其人人失其材職反
其官窠寮荒耄國政如漫文不可武武不可文大
小上下不可奪倫鴻臣司爵敢告在鄰

謹案楊雄箴謂鴻臣司爵栢梁詩云郡國吏能
差次之則漢之鴻臚又掌官秩蓋鴻臚典九儀

之制以賓諸侯則貴賤秩次因兼掌焉律志云
權衡規矩準繩職在大行漢紀權衡銖兩斤鈞
石職在鴻臚亦以鴻臚主陳序不凌亂也

袁宏後漢紀明帝紀楚王英徙丹陽涇縣遣大鴻
臚持節護送英丹陽章帝紀東平王蒼與諸王俱
至滎陽使大鴻臚持節郊迎歲餘大鴻臚奏遣諸
王歸國東平王蒼薨乃遣大鴻臚持節護喪順帝
紀漢安元年以匈奴主義王兜樓儲為南單于立

於京師使大鴻臚授印綬引上殿殤帝紀鄧騭征
羌還京師詔大鴻臚親迎

洪适隸續劉寬碑陰門生大尚書書洪氏云碑中
有大尚書張祗祝睦碑亦云拜大尚書考東京官
制建武中三公皆去大惟鴻臚司農長秋有大夫
後漢書百官志大鴻臚卿一人中二千石掌諸侯
及四方歸義蠻夷諸王入朝當郊迎典其禮儀皇
子拜王贊授印綬及拜諸侯諸侯嗣子及四方夷

狄封者臺下鴻臚召拜之王薨則使弔之及拜王嗣

謹案秦典客漢大鴻臚大行令職司賓禮本出周大小行人之職故諸侯王列侯及蕃國之歸義者皆其所屬考之於史凡諸侯王封拜繼襲削奪訊治弔祭誅謚之典皆以鴻臚主之今宗藩政令已聽治於宗人府而蒙古王公撫封世及無殊漢之異姓諸侯王則理藩院實兼有大

鴻臚之一職至當時接待蕃國史未詳其儀制
據漢書西域傳載大鴻臚議募囚徒送匈奴使
者又鴻臚領郡國邸而匈奴傳言單于來朝就
邸其為鴻臚所主可知是匈奴諸國館餼送迎
之事亦當隸於鴻臚也

漢書百官公卿表典屬國掌蠻夷降者武帝元狩
三年昆邪王降復增屬國置都尉丞候千人屬官
九譯令成帝河平元年省併大鴻臚

漢書武帝本紀匈奴昆邪王降置五屬國以處之
顏師古注凡言屬國者存其國號而屬漢朝故曰
屬國

漢書霍去病傳因其故俗為屬國顏師古注不改
其本國之俗而屬於漢故號屬國

王應麟玉海典屬國卿也所以統邊郡屬國都尉
等官也

漢書昭帝本紀蘓武奉使全節以為典屬國

如淳曰以

武久在外國知邊事
故令典主諸屬國

常惠列傳代蘓武為典屬國

明習外國事勤勞數有功為右將軍典屬國如故
馮奉世列傳常惠薨奉世代為右將軍典屬國

謹案漢以蠻夷降者置屬國處之沿邊諸郡皆
仍其故名而設都尉治之據兩漢地理志所載
安定上郡天水五原張掖西河北地屬國以處
匈奴降人金城屬國以處降羌廣漢蜀郡犍為
屬國以處西南夷降人其中酋長有仍其位號

者匈奴傳屬國千長義渠王胡三省通鑑注屬國
義渠之君長是也有授以漢官者景武昭宣
元成功臣表輝渠侯雷電故匈奴歸義以五原
屬國都尉與貳師將軍擊匈奴是也有以部落
之長率兵從征者功臣表昆侯渠復黎以屬國
大首擊匈奴侯是也蓋以屬國都尉分治而典
屬國居中統總之今自西南諸部落皆因其本
俗設官駐劄控置撫綏與漢之屬國僅列置邊

郡者其幅員之廣狹不同而規制則差可相擬
是今之理藩院正漢典屬國卿之職也

宋書百官志漢儀尚書郎一人主匈奴單于營部
一人主羌夷吏民匈奴單于宣帝之世保塞內附
成帝世單于還北庭矣一郎主匈奴單于營部則
置郎疑是光武時所主匈奴是南單于也

謹案漢以尚書郎主匈奴單于營部正如今理
藩院司員之職蓋是時呼韓單于留居光祿塞

下南單于亦入居雲中後徙西河美稷授地給食同於藩臣故特設官以領其事也

後漢書匈奴列傳南單于詣闕奉藩求使者監護始置使匈奴中郎將衛護之中郎將置安集掾將弛刑五千人隨單于歲盡輒遣奉奏送侍子入朝中郎將從事一人將領詣闕

後漢書百官志使匈奴中郎將一人比二千石主護南單于置從事二人有事隨事增之掾隨事為

員護烏桓校尉一人比二千石主烏桓

應劭漢官曰擁節長

史一人司馬

二人皆百石

後漢書烏桓列傳烏桓願留宿衛於是封其渠率
為侯王君長者八十一人布於緣邊諸郡始復置
校尉并領鮮卑賞賜質子歲時互市焉

謹案漢自匈奴烏桓並塞稱藩始置中郎將校
尉諸官以衛護之秩皆比二千石蓋如今各處
駐劄大臣之比至安集掾及長史司馬其秩較

卑而職在和輯藩部則今烏蘭哈達等處司官
及察哈爾游牧理事官頗為近之云

三國

三國魏志崔林列傳林遷大鴻臚龜茲王遣侍子
來朝褒賞甚厚餘國各遣子來朝間使連屬林乃
移書燉煌喻指并錄前世待遇諸國豐約故事使
有恒常

玉海大鴻臚魏韓宣崔林

謹案魏志諸王傳載中山王衮薨大鴻臚持節
典護喪事楚王彪有罪大鴻臚持節賜書切責
又陳思王植傳稱諸奏植罪狀在大鴻臚者皆
削除之是魏世鴻臚所掌諸侯王封拜慶讓之
典一如漢制而如崔林傳所載則接待外藩亦
其專司蓋猶未失大小行人之舊職也

晉

晉書職官志大鴻臚統大行等令及江左有事則

權置無事則省

周禮象胥晉干寶註曰今鴻臚

謹案晉初鴻臚尚沿漢魏之制自渡江以後諸侯王既不分封外藩亦無復朝覲聘問之禮故遂罷而不設偏安之世僻處一隅宜規模之益以狹隘也

宋齊梁陳

謹案江左諸朝鴻臚惟掌導護贊拜不復主賓

客之禮故專繫諸鴻臚寺篇不列於此表

北魏

杜佑通典後魏大鴻臚第三品大鴻臚少卿第四品

楊銜之洛陽伽藍記永橋以南園邱以北伊洛之間夾御道有四夷館道東有四館一名金陵二名燕然三名扶桑四名崦嵫道西有四里一曰歸正二曰歸德三曰慕化四曰慕義吳人投國者處金

陵館三年已後賜宅歸正里北夷來附者處燕然
館三年已後賜宅歸德里正光元年蠕蠕主郁久
閭阿那肱來朝執事者莫知所處中書舍人常景
議云咸寧中單于來朝晉世處之王公特進之下
可班那肱蕃王儀同之間朝廷從其議北夷酋長
遣子入侍者常秋來春去避中國之熱時人謂之
雁臣東夷來附者處扶桑館賜宅慕化里西夷來
附者處崦嵫館賜宅慕義里自葱嶺已西莫不歡

附商胡販客日奔塞下樂中國土風因而宅者不可勝數附化之民萬有餘家門巷修整閭闔填列謹案北魏於外藩入朝者皆有館以處之魏書蠕蠕傳云蠕蠕投化在京館者任其去留又云蠕蠕可汗婆羅門入朝死於洛南之館是也洛陽伽藍記所載最詳其間疑不無夸飾然規制自可考見特不言以何官掌之據魏書高句麗傳又稱高祖使大鴻臚拜高雲為高句麗王是

魏世鴻臚實主藩國一切館餼朝謁當為其專
職蓋如今之理藩院矣

冊府元龜延和二年九月詔兼大鴻臚卿崔頤持
節拜征虜將軍楊難當為征南大將軍儀同三司
封南秦王太和二年三月遣鴻臚卿劉歸謁者張
察拜河南公梁彌機為征南大將軍西戎校尉梁
益二州牧河南公宕昌王

謹案初學記鴻臚五代史百官志云至梁加卿

字曰鴻臚卿除大字後魏又加大字考冊府元龜於魏延和二年稱大鴻臚卿崔頤于魏太和二年稱鴻臚卿劉歸同為魏制而一加大字一去大字與初學記不合

魏書崔挺列傳遷典屬國下大夫

魏書盧淵列傳淵拜典屬國

謹案北魏復置典屬國官而官氏志不載今據列傳採入其所掌已不可詳當亦即大鴻臚之

分職也

北齊

隋書百官志後齊鴻臚寺置卿少卿丞各一人掌蕃客朝會吉凶弔祭統典客典寺等署令丞典寺署有僧祇部丞一人昭元寺掌諸佛教置大統一人統一人都維那一人

謹案葉夢得石林燕語東漢以來九卿官府皆名曰寺鴻臚其一也本以待四夷賓客故摩騰

竺法蘭自西域以佛經至舍於鴻臚今洛中白馬寺即漢鴻臚舊地僧居槩稱寺蓋本諸此云云據此是僧徒初入中國原待以蕃客之禮故舍之鴻臚寺至北魏而西域沙門來者益衆因立監福曹又改為昭元備置官屬以斷僧務

見魏

書釋
老志

北齊設典寺署令丞僧祇部丞仍隸於鴻

臚俾主其事蓋猶本東漢之遺制今喇嘛番僧品秩承襲朝貢之禮悉統領於理藩院亦即其

例至昭元寺專以僧徒總領其制大統統都維
那諸名則猶今之扎薩克大喇嘛以下各分等
級也

後周

通典後周官品正五命秋官賓部中大夫正四命
秋官小賓部下大夫正三命秋官小賓部上士掌
大賓客之儀

隋書韋師列傳師在周為賓曹參軍雅知諸蕃風俗

及山川險易其有朝貢必接對論其國俗如視諸掌夷人驚服無敢隱情徒為賓部大夫

謹案後周秋官有蕃部賓部俱出周行人之職今蕃部別繫諸禮部會同四譯館篇而賓部則專司賓禮當時出使專對皆以此職充之

周書武帝

紀天和三年小賓部元暉使於齊建德元年小賓部賀遂禮使於齊韋師傳所載

可以相證與前代之大鴻臚掌蕃國朝會者尤為脗合今故著之於此表

隋

隋書百官志鴻臚寺置卿少卿各一人統典客崇元署各置令典客二人崇元一人煬帝改典客署為典蕃署

隋書蘇夔列傳時蠻夷朝貢前後相屬帝嘗從客謂宇文述虞世基等曰四夷率服觀禮華夏鴻臚之職須歸今望寧有可以接對賓客者為之乎咸以夔對即日拜鴻臚少卿

謹案隋代鴻臚尚沿舊制掌賓客之禮隋書刑法志載楊素與鴻臚少卿陳延不平經蕃客館庭中有馬屎旋以白帝帝大怒拷捶陳延幾斃又哭殿傳處羅可汗母向氏入朝留京師每舍之鴻臚寺可知外藩朝覲者其館舍廩賜皆屬之鴻臚猶與今理藩院職掌為近也

唐

舊唐書職官志鴻臚寺龍朔改為同文寺光宅曰

司賓寺神龍復鄉一人少卿二人丞二人主簿一人錄事二人掌賓客之事凡四方夷狄君長朝見者辨其等位以賓待之凡夷狄君長之子襲官爵者皆辨其嫡庶詳其可否若諸蕃人酋渠有封禮命皆受冊而往其國凡天下寺觀三綱及京都大德皆取其道德高妙為衆所推者俱申尚書祠部典客署令一人丞一人掌四夷歸化在蕃者之名數凡朝貢宴享送迎皆預焉凡酋渠首領朝見者

皆館供之

唐會要天寶十三年三月二十七日禮賓院令鴻

臚寺掌管

謹案自東晉迄於唐諸侯王皆僅存空名無分藩之制故封授削奪之政令俱改歸宗正不屬鴻臚所存者惟蕃國朝覲之禮猶大行人之一職觀唐書回紇傳乾元後回紇使者相望留舍鴻臚又回紇武義可汗來逆公主其下七百人

皆聽入朝舍鴻臚新羅傳鴻臚寺籍質子及學生歲滿者皆還之資治通鑑代宗永泰七年正月回紇使者擅出鴻臚寺掠人子女所司禁之毆擊所司七月回紇又擅出鴻臚寺逐長安令卻說奪其馬是當時屬國之朝見館餼皆在鴻臚又諸藩冊立會盟吊祭亦多以鴻臚充使

唐書

哭厥傳鴻臚卿劉善冊思摩可汗西哭厥傳鴻臚少卿劉善冊吐陸可汗吐蕃傳崔漢衡為鴻臚卿與吐蕃會盟境上回紇傳回紇懷信可汗死鴻臚少卿孫杲臨弔黠戛斯傳鴻臚卿李業

持節冊黠夏斯為
英武誠明可汗

即或以他官充使亦必兼鴻

臚之職冊府元龜開元二十五年新羅王金興

光卒其子承慶嗣位命贊善大夫邢璣攝鴻臚

少卿往其國行弔祭冊立之禮是也雖唐代吐

蕃回紇諸部皆強盛跋扈終未得其要領難語

于威德綏懷而考其規制亦今理藩院之比也

司馬光資治通鑑會昌五年大秦穆護祆僧皆勒

歸俗胡三省注大秦穆護又釋氏之外教如回鶻

摩尼之類唐制祠部歲再祀磧西諸州火袄而禁
民祈祭官品今有袄正蓋主袄僧也

姚寬西溪叢語唐貞觀五年有傳法穆護何祿將
袄教詣闕勅長安崇教坊立袄寺號大秦寺又名
波斯寺袄之有正想在唐世

唐書回鶻列傳詔回鶻營功德使在二京者悉冠
帶之

謹案唐之袄僧出自西域為釋氏外教蓋如今

之紅教喇嘛其祆正當以僧徒充之如今陝甘
洮岷諸寺番僧設都綱僧綱僧正之例故不見
於百官志摩尼之教本出回鶻即今回教所自
始當時回鶻以摩尼入朝留居京師故兩京各
置回鶻營功德使以統之疑亦隸於鴻臚寺也
唐書西域列傳箇失蜜王遣使者物理多來丐王
冊鴻臚譯以聞

唐書回鶻列傳回鶻可汗遣其妹逆主且納聘帝

饗回紇公主入銀臺門譯史傳導入拜謁已又譯
史傳問乃至宴所

謹案唐鴻臚寺譯史主譯西域諸國文字蓋如
今之有唐古忒學也

五季

未置

宋

未置

謹案宋代北有遼金西有夏國疆土最為狹隘
兼之兵力孱弱不能服遠並無外藩朝覲之事

故鴻臚但存空名其偶一通貢者惟有高麗安南諸國以同文館及都亭懷遠諸驛分主之而已今已別著於禮部四譯館篇不復載之此表

遼

遼史百官志北面部族官五院部有知五院事在朝曰北大王院六院部有知六院事在朝曰南大

王院伊實

部帳名原作
乙室今改正

部在朝曰伊實王府有伊

實府都古稜

蒙古語盈滿也原
作迪骨里今改正

節度使司奚六部

在朝曰奚王府有二詳袞

原作常袞今依字面改正

有二宰相

又有圖哩

滿洲語黑豆也原作吐里今改正

太尉有奚六部漢軍

詳袞

原作詳穩今依字面改正

有奚伊喇

滿洲語麋也原作拽刺今改正

詳袞

有錫林塔拉官

滿洲語錫林精銳也塔拉野外也原作先離撻覽今改正

謹案遼之諸部族太祖二十部聖宗三十四部

又附庸十部各有分壤地廣族繁遼史營衛志

謂古者巡守於方岳五服之君各述其職遼之

部族似之與今蒙古諸部落規制差可相擬特

當時皆分隸於諸路詳衮統軍招討司不別設官以總領之惟五院六院伊實奚為四大部族故在朝各置大王府以治其事謂之四大王府

蓋即如今理藩院職掌也

南北二王院又互見戶部篇

遼史百官志北面坊場等官圍場都太師圍場都管圍場使圍場副使已上場官

謹案遼史穆宗紀載有虞人掌鹿鹿人獐人鼬人狼人鷹人承人鶻人喚鹿人諸官而他紀傳

不駢見疑亦各因其所掌以立名並非定職惟
圍場都太師以下專設以供獮狩之事即今圍
場總管所由昉也

金

金史兵志太祖始以三百戶為穆昆

滿洲語族也
蓋族長之轉

原作謀克
今改正

穆昆十為明安

滿洲語千也蓋千夫長
之稱原作猛安今改正

繼而諸部來降率用明安穆昆之名以授其首領
而部伍其人時東北路部族紂軍二部五紂戶五

千五百八十五其他部族數皆稱是西北西南二路之此軍十其諸路皆在上京之鄙或置總管府或置節度使

謹案金諸部族皆分置明安穆昆而各統以節

度使詳袞額爾奇木

解見內閣篇

之職

百官志有諸部族節度使

各一員統制各部諸此詳袞各一員守戍邊堡諸額爾奇木司額爾奇木各一員分掌部族村寨蓋亦猶今蒙古諸藩分旗編戶之制特其政

令惟掌於西北西南東北三路招討司而在京

並無綜轄之官以兵志考之疑當兼隸於尚書省及樞密院也

金史伊喇道列傳道改西北路招討使初諸部有獄訟招討司例遣胥吏按問往往為姦利道請專設一官上嘉納之招討司設勘事官自此始

謹案金置勘事官以平諸部獄訟蓋即如今察哈爾游牧處之理事官也

元

元史百官志宣政院秩從一品掌釋教僧徒及吐蕃之境而隸治之其用人則自為選其為選則軍民通攝僧俗並用至元初立總制院而領以國師二十五年因唐制吐蕃來朝見於宣政殿之前更名宣政院置院使二員同知二員副使二員參議二員經歷二員都事四員管勾一員照磨一員二十六年置斷事官四員二十八年增僉院同僉各一員元貞元年增院判一員大德四年罷斷事官

至大初省院使一員至治三年置院使六員天厯

二年罷功德使司歸宣政定置院使十一員從一

品同知二員正二品副使二員從二品僉院二員

正三品同僉三員正四品院判三員正五品參議

二員正五品經歷二員從五品都事三員從七品

照磨一員管勾一員並正八品掾史十五人蒙古

筆且齊

解見吏部篇

二人回回掾史二人克埒穆爾齊

解見吏部篇

四人知印二人宣使十五人典吏有差○

斷事官四員從三品經歷知事各一員至元二十

五年始置○大都提舉資善庫秩從五品達魯噶

齊

解見戶部篇

一員提舉一員同提舉一員副提舉一

員掌錢帛之事至元二十六年置

以上屬宣政院

○通政

院秩從二品國初置驛以給使傳設托克托和斯

蒙古語托克托定也和斯雙也原作脫脫未孫今改正

以辨奸偽至元七年

初立諸站都統領使司以總之設官六員十三年

改通政院至大四年罷是年仍置止管達勒達

滿洲

語遮蔽處也原作達達今改正

站齊

原作站赤今依字面改正

延祐七年仍領

漢人站齊

謹案元初以兵威剪滅西北各部即分封諸王於其地故親藩錫土多在邊陲元史稱國初親王分封有其地極遠去京師數萬里驛騎急行

二百餘日方達京師者今蒙古部落大抵皆元

諸王分地

如教漢扎賴特杜爾伯特郭爾羅斯為達王分地喀喇沁土默特為惠寧

王分地

故當時諸王駙馬投下蒙古色目人一切

公事皆隸屬於太宗正府

詳見宗人府篇

其應給歲賜

諸物或別置總管府以治之惟宣政院專領西
僧及吐蕃境內諸事正今理藩院之一職其所
屬有斷事官蓋即如今理事官資善庫則如今
之銀庫也至通政院所管達勒達站齊即如今
蒙古驛站而托克托和斯於各站專主郵政元
志載吐蕃等處宣慰司都元帥屬若寧河積石
烏思藏諸地皆有其官可見使命往來典司有

在今以通政院設署京師故分列兵部馬館條
下而托克托和斯則專繫於此以著蒙古驛站
設官之沿革焉

元史百官志宣徽院秩正三品掌宴享宗戚賓客
之事及諸王宿衛齊哩克昆

蒙古語齊哩克兵也
昆人也原作怯憐今

改正口糧食所屬內外司屬用人則人自為選置院

使六員同知一員副使二員僉院二員同僉二員
院判二員經歷二員都事三員照磨一員

謹案元宣徽院主供玉食之需當為今內務府職守而賓客之事亦兼主之元史顯宗傳稱晉

王在藩邸元貞元年塔塔爾部

原作塔塔兒部今依八旗姓氏

通譜年穀不熟檄宣徽院賑之則蒙古諸部灾

改正

歉宣徽院實司其賑恤正與理藩院旗籍司所掌相近今故互見於此

明
未置

謹案明自成祖措置失宜棄大寧以與三衛自

是邊牆之外皆為甌脫內地戍邏僅及關門而止元之子孫於漠北相繼稱汗至我

朝破察哈爾林丹汗而始滅終明之世雖使命往

來有同敵國未嘗臣服其別部若額森

蒙古語平安也

原改也先今改正

諳達

滿洲語夥伴也原

皆雄視一方

屢以勁兵入塞至於英宗被執京城受圍明人聚訟盈庭終不能得其要領至西域境壤則第畫嘉峪關而守之雖以哈密近邊之地亦為土

魯番所據棄同異域諸蕃朝貢之禮不修官司亦闕而未置誠由威令不行無以控馭之故也國家聲教四訖奔走僭徠置戍建官盡歸疆索綏懷盛軌固已遠軼漢唐若明之柔懦無策者更為不足比算矣

欽定歷代職官表卷十七